



Dionysius Rickel ab ineunte ætate sacris literis operam dedit, atq; mirum in modũ in ijs profecit. Vt etiam commodius literis uacare posset, ordinem Carthusianum domus Bethleem in Ruremunda suscepit. Eum sua eruditione & pietate plurimũ nobilitauit & illustrauit. Contemplationi & orationi cum tãto feruore instabat, ut eum nihil scribere potuisse unquã putares. Rursum in scribendo & legẽdo tam sedulus, ut nec orare, nec diuinis cõtemplationibus operam posse dare crederes. Erat parcissimi somni, cibi & potus abstinẽtia admirabilis, qui S. Hieronymi exemplo die ac nocte in lege Domini meditari dulcissimum iudicabat.

Semper aliquid scribebat aut legebat, ita ut lectionem oratio sæpe interrumpere, & orationem sacra lectio frequenter exciperet. Tantum cum in studijs & precibus esset, etiam diuinis reuelationibus dignus fuit habitus, cũ sapius in extasim raperetur.